



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

XXVI. Quod poenae supradictae contra beneficiatos habeant locum etiam
in rectoribus & dignitatibus.

urn:nbn:de:hbz:466:1-15644

ANNO
CHRISTI
1473

ditionis existat, iustitarius, rector ciuitatis, vel communitas, seu curam gubernationis exercens, vel quiuis clericus expellat vel banniat clericos supradictos, vel venientibus aditum liberum deneget, quo minus in suis ecclesiis possint deseruire. Si vero contra prædicta vel eorum aliquod attentatum fuerit, propter expellentium, bannientium, vel eam admittentium culpam, ciuitas vel villa, in qua contra factum fuerit, ipso facto sit interdicta; & tamdiu in ea interdictum seruetur, donec expulsus vel bannitus fuerit restitutus, & veniens admissus, & de iniuria & damnis læso plene fuerit satisfactum.

XXV.

Ordinum collatio gratiose a sanctis episcopis est concedenda, cum præcipue ordo sit sacramentum spirituale. Præcipimus igitur vniuersis episcopis nostræ prouinciæ, vt pro conferendis ordinibus quibuscumque nihil penitus ante vel post, seu cum iidem ordines celebrant, exigant seu recipiant, nec ianitores, barbitonfores & alios officiales quidquam exigere seu leuare permittant, etiam pro sigillo & cera, sed gratis & liberaliter impendant. Notarii vero pro literis ordinum & reuerendis decem dumtaxat marabetinos recipere debeant; & si contra fecerint, quod receperint, duplicatum restituant sequenti Concilio applicandum.

XXVI.

Ad tollendas ambiguitates, sacro approbante Concilio declaramus, pœnas contra beneficiatos indictas locum sibi etiam vindicare in obtinenti-

Concil. Tom. 34.

H ij

bus parochiales ecclesias & dignitates quascumque,
etiam maiores post pontificales.

XXVII.

Concedimus vniuersis episcopis nostræ prouin-
ciæ, sacro approbante Concilio, vt a sententiis &
censuris in præsentibus nostris constitutionibus la-
tis & promulgatis singuli eorum in suis diocesi-
bus, satisfactione debita præcedenti, possint & va-
leant innodatos absolvere; idque nos in nostra dice-
cesi modo prædicto facere valeamus.

XXVIII.

Rursus coepiscopis nostris in virtute obedi-
entiæ districte iubemus, vt infra duos menses a die ha-
rum nostrarum constitutionum præsentis publica-
tionis immediate numerandos, ipsas teneantur in
suis diocesis in Synodis, si eas celebrauerint, a-
lias in ecclesiis cathedralibus publicari facere. Et ni-
hilo minus in capitibus archipresbyteratus vocatis
rectoribus, verum post quadraginta dies a die hu-
iusmodi publicationis immediate computandos,
volumus & decernimus, sacro approbante Con-
cilio, vt hæ nostræ constitutiones ligent, & ad sui ve-
ram obseruantiam omnes & singulos, prout in eis-
dem continetur, arctent & obligent.

XXIX.

Sancitum nouimus sanctorum patrum institu-
tis, in prouinciali Concilio per singulas metropoli-
tani & suffraganeorum dioceses synodales testes
fore deputandos, qui diligenter inquirent quæ cor-
rigenda & reformanda viderint, per eos in sequenti
Concilio nuntianda. Nos vero statuta eadem sa-